

ՄԱՏԵՆԱԽՕՍԱԿԱՆ

H. Hubschmann. Die altarmenischen Ortsnamen, mit Beiträgen zur historischen Topographie armeniens und enier karte-
1904 Strassburg (գինն է 8 մարկ):

Հ. Հիւբշմանը խիստ մանրամասն կերպով նկարագրում է մեզ հայաբնակ տեղերի պատմութիւնը, մատնանիշ անելով, որ ներկայ հայ ազգաբնակիւթիւնը այդ տեղերում առաւել ուշ է երևան գալիս, քան ուրիշ ազգերը, որոնց գոյութիւնը ապացուցանում է ասորական աղբիւրներով և ասորական թագաւորների արքայական արձանագրութիւններով:

Այս ցեղերի գոյութեամբ բացատրւում են տեղերի շատ անուններ, որոնց կարելի է բացատրել հայ լեզուի հիման վերայ:

Հ. Հիւբշմանը մանրամասն քննութեան է ենթարկում նախահայկական անունները բացայայտելով միայն նոցա գոյութիւնը: Հիւբշմանը, նախքան զուտ հայկական անունների բառական վերլուծումը՝ մանրամասն թւում է՝ գաւառները, գաւառական շրջանները, և այս ամենը դրբին կցուած մանրամասն քարտէսի հետ միասին մեծ արժէք են տալիս Հիւբշմանի գործին:

Պ. Հիւբշմանը մատնանիշ է անում զուտ հայկական անուններ կազմող բաղադրիչ մասերի վերայ:—Գրբի վերջում հեղինակը առջ է բերում այն բոլոր անունների այբբենական ցանկը, որոնք արդէն բացատրուած են և որոնք դեռ կարօտ են գիտնական հետազոտութեան:

Պ. Հիւբշմանի գործը աչքի է ընկնում իւր ճշտութեամբ և զգոյշ հետազոտութեամբ և իւր ընդարձակ տեղեկութիւններով գիրքը դարձնում են վերին աստիճանի անհրաժեշտ ամեն մի հայկաբանի համար:

Մ. ԹԱՄԱՄՇԵԱՆ

1905 Պարիզ.